



010000, Астана қаласы, Мәңгілік Ел даңғылы, 8,
Министрліктер үйі, 5 - кіреберіс,
тел.: 7 (7172) 743650, факс: 7 (7172) 743727
e-mail: minzdrav@dsm.gov.kz

010000, город Астана, проспект Мәңгілік Ел, 8, Дом
Министерств, 5 подъезд,
тел.: 7 (7172) 743650, факс: 7 (7172) 743727
e-mail: minzdrav@dsm.gov.kz

**Қазақстан Республикасы
Парламенті Мәжілісінің
депутаттарына**

«Ақ жол» ҚДП фракциясының депутаттары

**А. А. Садықовқа
А. Т. Перуашевқа
Д. М. Еспаеваға
Е. Х. Барлыбаевқа
Қ.Ж. Исаға
Е. А. Бейсенбаевқа**

**«AMANAT» фракциясының депутаты
Е. Т. Әбдиевке**

2024 жылғы 28 наурыздағы № ДС-135

Құрметті депутаттар!

Қазақстан Республикасы Денсаулық сақтау министрлігі (бұдан әрі – Министрлік) міндетті әлеуметтік медициналық сақтандыру (бұдан әрі – МӘМС) жүйесіне қатысты депутаттық сауалды қарап, келесіні хабарлайды.

«Әлеуметтік медициналық сақтандыру қоры» КЕАҚ (бұдан әрі – Қор) қызметі ел басшылығының, Парламенттің және жұртшылықтың тұрақты және маңызды сынына ұшырауды.

Мемлекет басшысы 2024 жылғы 7 ақпанда өткен Үкіметтің кеңейтілген отырысында денсаулық сақтау саласын қаржыландыру бірнеше рет ұлғайғанымен «медициналық көмектің сапасы мен қолжетімділігінің әлі де айтарлықтай өсуі байқалмағанын» атап өтті.

Сондай-ақ қаржының тиімсіз жұмсалуына байланысты ел Президенті МӘМС жүйесін қатаң бақылауға алуды тапсырды.

Осыған байланысты Министрлік пен Үкімет Қор қызметін жетілдіру және оның қызметінің нәтижелері үшін жауапкершілігін арттыру бойынша қажетті шараларды қабылдауда.

«Міндетті әлеуметтік медициналық сақтандыру туралы» Қазақстан Республикасының Заңына сәйкес Қор сақтандыру жарналары мен аударымдарды жинақтайтын және оларды медициналық көмек көрсететін денсаулық сақтау субъектілерінің қызметтерін сатып алуға және оларға ақы төлеуге бағыттайтын коммерциялық емес ұйым болып табылады.

Қор жұмысының қағидаттары ортақ сипатқа ие және Қор қызметінің ашықтығын және есеп берудің қолжетімділігін қамтамасыз етеді. Қажет болған жағдайда Министрлік Сізге және Сіздің әріптестеріңізге мәліметтер беруге дайын. Қордың қызметі туралы Сіздің пікіріңіз және оның қызметін жақсарту бойынша ұсыныстарыңыз біз үшін маңызды.

Бұл ретте қазақстандық сақтандыру моделінің міндетті әлеуметтік сипатқа ие екендігін, яғни әрбір адам белгіленген мөлшерлеме бойынша төлем жасайтынын, ал көмекті денсаулығынан айырылу қаупі туындаған тұлғалар алатынын атап өтеміз. Осылайша міндетті медициналық сақтандырудың қазақстандық моделі әлемдік әлеуметтік медициналық жүйелердің жалпыға бірдей қабылданған «Бай кедейге, ал сау адам науқасқа төлейді» қағидасын жүзеге асырады.

Қолданыстағы МӘМС жүйесі барлық сақтандырылған тұлғалардың жарна мөлшеріне қарамастан медициналық қызметтер пакетіне тең қолжетімділігін қамтамасыз етеді, ал көмекке жүгінген кезде көлемі мен құнына шектеу қойылмайды. Бұл тәсіл Қор активтерін сау азаматтардан науқас азаматтарға мұқтаждығына қарай қайта бөлуге мүмкіндік береді.

Жауапкершілікті арттыру және азаматтардың мінез-құлық факторларына әсер ету арқылы сақтандыруға және жақсартуға ынталандыру бойынша ұсыныстарыңыз ескерілді. Салауатты өмір салтын нығайту және зиянды өнімдердің (алкоголь, темекі, құрамында қант бар өнімдер) экономикалық қолжетімділігін одан әрі шектеу жөніндегі іс-шараларды әзірлеу кезінде денсаулық сақтау шығындарын қаржыландыруға Сіздер атап өткен азаматтар санаттарының көбірек қатысуы туралы ұсыныстар енгізіледі.

Жалпы алғанда, Сіздердің ұсыныстарыңыз алкоголь мен темекіге жоғары акциздік мөлшерлемелер мен вейптерді пайдалануға тыйым салу арқылы жүзеге асырылды. Сондай-ақ құрамында қант бар сусындарға арнайы акциздерді енгізу бойынша жұмыстар жүргізілуде.

Осылайша Сіздердің ұсыныстарыңыз жүргізіліп жатқан мемлекеттік саясатта ішінара көрініс тапты, қалғандары алдағы жұмыста ескеріледі.

Бұл ретте Қазақстан Республикасының денсаулық сақтау бірінші вице-министрі Т. Сұлтанғазиевтың Қазақстан Республикасы Парламенті қабырғасындағы сөйлеген сөзіне қатысты аппараттық жиналыста менің тарапымнан оған ауызша ескерту берілгенін және Министрліктің ұстанымын айтқан кезде депутаттардың және жұртшылықтың пікірін ескеру қажеттілігі туралы айтылғанын атап өтемін.

Азаматтардың денсаулығын нығайтуға және елдің денсаулық сақтау жүйесін жетілдіруге белсене атсалысқандарыңыз үшін тағы да алғыс айтуға рұқсат етіңіз.

Қазақстан Республикасы
Денсаулық сақтау министрі

А. Әлназарова

Орынд.: Жумашева А, тел.: 74-32-37